



## IKAZTEGIETAKO UDALA ETA TOLOSALDEKO KOMUNIKAZIO TALDEA S.M.-REN

### 2022-2024 URTE ARTEKO LANKIDETZA HITZARMENA

Ikaztegietan, bi mila eta hogeita biko martxoaren 4ean

#### BILDURIK

Batetik, BAKARNE OTEGI JAUREGI, NAN: 72.495.690 N, Ikaztegieta Udaleko (aurrerantzean Udala) alkatea, haren izenean eta ordeztu diharduena, horretarako behar bezala ahalmenak dagoelarik.

Eta bestetik, IBAN URDAPILLETA ALKIZALETE, NAN: 72.481.815-Y, Tolosaldeko Komunikazio Taldea, S.M.ren (aurrerantzean TKT) kudeatzailea, haren izenean eta ordeztu diharduena.

Bi alderdiok lankidetzaren hitzarmen hau egiteko eskuduntza eta gaitasuna aitortzen diote elkarri eta

#### AITORTZEN DUTE:

I.- Herritarren **hizkuntza-eskubideak bermatzeko** ahaleginean, Ikaztegieta Udalak eta TKT-k bat egiten dutela **euskararen erabilera eta normalizazioan eragiteko premi eta helburuekin, eta, asmo honen zerbitzura**, herritarrek euskaraz informatzeko eskualde mailako komunikabide sareak sustatzea dela hitzarmen honen xede eta funtsa.

II.- TKT dela Tolosaldeko Ataria prentsa, Ataria Irratia eta [Ataria.eus](http://Ataria.eus) euskarriak osatzen duten proiektu komunikatibo multimediarren jabe eta ekoizpen arduraduna.

III.- TKT-k kudeatzen duen komunikabide sarearen eremua Tolosaldeko eskualdea osatzen duten herrietara hedatzen dela, bere onuradun direlarik bertako herri eta herritar guztiak, tartean, Ikaztegieta.

IV.- TKT-k eratutako euskarazko proiektu komunikatibo honen helburu nagusia, eskualdean sortzen den informazioa herritarrei bitarteko anitzetan euskaraz komunikatzea dela, eta honela, **euskararen erabilpena sustatzeko eta normalizazioa eragiteko Udalak duen plangintzari ekarpen esanguratsua egiten zaiola.**

V.- Beharrezkoa dela TKT-k aipatu helburuekin eskualdean egiten duen lanari behar bezalako aitortza egitea ez ezik, bere jardunaren kalitatea ziurtatu eta sendotzeko Udala eta TKT-ren arteko lankidetzaren jardunean sakontzea, aintzat harturik **Eusko Lege Biltzarraren "2/2016 legea, apirilaren 7koa. Euskadiko Toki Erakundeei buruzkoa"** -k Udalari ematen dizkion eskumenak eta TKT-k 2022-2025erako aurkeztutako proiektu komunikatiboa eta bideragarritasun plangintza.



VI.- Hitzarmen honek bat egiten duela Eusko Jaurlaritzako Kultura eta Hizkuntza Politika Sailburuak “Euskarazko hedabideak sendotu, eraginkortu, garatu eta normalizatzeko” diru laguntzak emateko modua arautuz 2016ko uztailaren 20an emandako aginduaren helburuekin (EHAA, 2016ko uztailaren 22a, 140 zenbakia) eta, baita, Gipuzkoako Foru Aldundiko Hizkuntza Berdintasuneko Zuzendaritza Nagusiak “Euskararen erabilera sozialaren inguruan diru laguntzak emateko oinarri arautzaileetan” (Gipuzkoako Aldizkari Ofiziala, 2017ko martxoaren 7a, 46 zenbakia) finkatutakoarekin ere, eta osagarri dela.

**VI.- TKT-k, gizartea zerbitzatzea duela helburu, ez duela irabazi helbururik eta, sortuko balitz, kudeatzen duen proiektu komunikatiboa hobetzera bideratuko dela osoki.**

Hau guztia honela izanik, LANKIDETZA HITZARMEN hau sinatu dugu, ondorengo klausulen arabera.

#### KLAUSULAK

LEHENA.- LANKIDETZA HITZARMEN honen helburua da TKT-k eta Udal honek, elkarlanean, hedabideen alorrean euskararen erabilerearen normalizazio-lanak bideratzea.

BIGARRENA. LANKIDETZA HITZARMEN honetan, TKT-k jarraian aipatzen diren ekoizpen ildoak garatu eta hobetzen ahalegintzeko konpromisoa hartzen du:

- a) Internet: Ataria.eus webgunea eguneratu, elikatu eta sare sozialen bitarteko hedapena egingo da urte osoan, etenik gabe.
- b) Tolosaldeko Ataria prentsa: argitaratuko dira zortzi orriko egunkaria astearte, asteazken eta ostegunean, eta 32 orriko astekaria ostiraletan, abuztuan izan ezik.
- c) Ataria Irratia: gizartearen kontsumo joeren aldaketak kontuan izanda, 2022an irrati digitalerako saltoa emango da. Podcast ezberdinen bilgunea izango da, gai eta estilo ezberdinak izango ditu ardatz eta hiru edizio mota izango ditu: lantaldearenak, elkarteekin lankidetzan egindakoak eta norbanakoenak. Honen zabalpena ere anitza izango da, kontsumitzaile zabal batengana iristeko helburuarekin.
- d) Euskarazko hedabideekin elkarlan bideak jorratuko dira sinergiak baliatu eta interes komuneko eta kalitatezko edukiak ekoizteko, edozein euskarritan.

HIRUGARRENA. TKT-k, bigarren artikuluan aipatu ildoak bideratzeko, herritarrei eskaintzen zaien zerbitzua ere baden heinean, konpromiso hauek hartzen ditu:

- a) Herritarren intereseko produktuak (edukiak, formatu, maiztasun...) lantzeko ahalegina egingo da. Hedabideen bilakaera azkarra kontuan, gertatzen diren aurrerabideak eten gabe aztertu dira beharrezkoak izan daitezkeen hobekuntzak egiten saiatzeko.



- b) **Ataria hedabideak, beren beregi zainduko ditu hedatutako informazioen pluraltasuna eta objektibotasuna, iritzi zein pentsamolde guztiei lekua eginez, herritar guztien erreferentziazko komunikazio gunea izateko helburuarekin.**
- c) Ataria marka gizarteratu eta harpide sarea zabaltzeko eta irismena areagotzeko ahalegin etengabea egingo da; **urtez urteko egitasmoan finkatutako dira helburuak eta neurketa adierazleak.**
- d) Herri guztietan dugun banaketa sistema hobetzeko neurri bideragarriak hartuko dira.

LAUGARRENA.- LANKIDETZA HITZARMEN honen bidez, Udalak, proiektua indartu eta bere bideragarritasuna bermatzeko ekimen lerro hauek garatuko ditu:

- a) Diru ekarpen zuzena. **Proiektuaren luzerako bideragarritasuna eta egonkortasun ekonomikoa bermatzeko, hitzarmen hau lau urtekoa (2022-2025) izango da. Urtean urteko errolda eguneratuaren arabera, **biztanleko 5 €** emango dizkio 2022, 2023, eta 2024. urteetan Udalak TKT-ri. Erabaki hau urtez-urte berretsi beharko du Udalak diru-kopuru zehatza adierazten duen berariazko ebazpena bidez, hartzaileak aurkeztutako aurreko urteko zuriketa dokumentuak (hitzarmen honetako 6. puntua) eta dagokion urteko egitasmoa aztertu eta gero.**
- b) Publizitatea. Erreferentzialtasuna irabazteko, publizitatea egitea behartuak dauden iragarki ofizialak eta eskelak Tolosaldeko Atarian jartzeko konpromisoa hartzen du Udalak tarifatik %50eko deskontuarekin. Gainerako publizitatea, urteko fakturazioaren arabera negoziatuko dute bi aldeek; hala balitz, urtean-urtean adostutako plangintza komertzialean islatuko litzateke.
- c) Beste euskarriak. Ohiko ekoizpenetik at, Udalaren eta TKT-ren artean osatuko den lan-taldeak adostutako proiektua sustatzeko diru ekarpen bereziak egin ahal izango ditu Udalak.
- d) Sozializazio eta banaketa. Herritarren eta bertako indar eragileen borondatea eta lankidetzaren erakartzeko Udal zerbitzuen kooperazioa izango du TKT-k.
- e) Informazioaren kudeaketa: Udalak berak edo herrian sortzen den informazio jariora sistematikoki trukatzeko neurriak hartuko dituzte Udalak eta TKT-k.
- f) Udalak bere webgunean Ataria.eus webgunerako botoia jarriko du, Atariaren webguneko bere herrira bideratuz.

BOSGARRENA.- Udalaren eta TKT-ren ordezkari osatutako lan-taldeak urtero bilera egingo du. Batetik, hitzartutakoaren jarraipena egiteko, hau da, orain artean gertatu den moduan, hitzartutakoa objektibotasun, pluraltasun eta egokitasunez betetzen ari den aztertze. Eta, bestetik, dokumentu honetako hirugarren artikuluan hartutako konpromisoen betetze maila aztertze.



IKAZTEGIETAKO UDALA  
GIPUZKOA



SEIGARRENA.- Aipatutako diru ekarpen zuzena (4.a. puntua) honela egingo da: hitzarmenean adostutako diru-ekarpen osoa dagokion urteko egitasmoa eta aurrekontua aurkeztu eta hilabeteko epean jasoko du TKT-k. Hurrengo urte hasieran, martxoak 31 baino lehen, jardunaren txostena eta Udalaren diru-ekarpen osoa zuritzeko fakturak edota berauen fotokopia konpultsatuak eta zerga zein gizarte segurantzako betebeharrak egunean izatearen ziurtagiriak aurkeztu beharko dira.

Edozein gisataraz ere, Udalaren diru-ekarpena jaso ahal izateko, aurreko ekitaldiko harremana eguneratua egon beharko du.

Eta horrela jasota uzteko eta adostasuna agertzeko, hitzarmen honen bi ale sinatu dituzte bildutakoek, hasieran aipatutako toki eta egunean.

Ikaztegietako Alkatea  
S.M.

Tolosaldeko Komunikazio Taldea

72495690N Firmado digitalmente por  
BAKARNE OTEGI 72495690N BAKARNE  
(R: P2009000G) OTEGI (R: P2009000G)  
(R: P2009000G) Fecha: 2022.05.04 11:39:13  
+02'00'

Ikaztegietako Udal Idazkaria

JOSE Firmado  
MARIA SAIZ digitalmente por  
PAGOAGA - JOSE MARIA SAIZ  
44158869L PAGOAGA -  
44158869L 44158869L  
Fecha: 2022.05.04  
11:37:12 +02'00'

